

田
間
詩
集

田間詩集卷第二十七

客隱集

戊辰

元旦晴過兗州口號

新年不暇蘸椒觴
逐伴驅車古道傍
桑柘影中過魯國
輪蹄交處見周行
天晴氣召陽春早
風煖塵連帝門長
笑與曾孫談往蹟
阿翁人亦筭靈光

平原旅舍見壁上白氏女詩和韻

以名院月字
防蓮蘇州半

地人所通非偶失意作詩書於
任丘旅舍過客書此和者甚多

傷心不是怨他離
誰許庸兒妄画眉
春夢可憐隨蚊蝶
啼痕空白濕胭脂
前早綰同心結
枕上私成薄命詩

信是文君能擇偶定情仔細聽琴特

德州道中雪朝作

漫漫銀海浩無垠滿地公車雜逸民未覺疑寒欺皂帽
且圖積素壓紅塵村墟向午人煙少岐路頻迷馬跡新
慚愧故園牆角外梅花柳色爲誰春

贈嶺南黎文連陳崑園二孝廉

平生汗漫老難休喜共詞流足唱酬途倦祇應分韻遣
篇成多是掌燈收懋孤馬草悲樞部

黎美周臨大死難
度州君共族也

端水鶴行憶太丘

崑園尊公曾
共事端州

四十餘年成異代又逢

二妙與同遊

都門送別查以重還里兼訂皖上之遊

東南詞客聚金臺獨買舟隨樂令回

侍令岳陸冰修病同

燕市柳

新攀欲盡潞河春淺凍初開談深塔寺悲先志

尊先公與子訂

交長

吟遍蠻鄉見爾才秋到皖江尋舊好可能一問白

頭來

京華春集

門人程松皋邀同朱臨人楊端木張

神叔殺衛元夫孫愷似吳震一陳仲斐張弘

蓬家閭流從子歐陽集端木寓中分得春星

物象闌春氣天文爛帝畿日斜初黯淡月黑轉晶輝

訝明河隱翻疑列宿稀極臨當北戶杓指向東扉農事

占晴雨方州驗穰穰芒隨時變動彗罷夜深飛野錯分

難定躔移度已非未能含鳳闕且合映魚殘燭暗增光
小簾疎逗影微可憐燈火散猶照白頭歸

仲春夜集徐立齋寓齋燈下看梅同朱錫鬯采
章金穀似令姪藝初諸子作

故人甘寂莫卜夜暫謀歡席但隨時設居於到處安觥
籌賓自認觴政老求寬爛熳燈前朶參差壁上觀氣和
書卷古香令酒盃寒幸與素心對誰言春事殘青編常
作伴白首好同看漏鼓催歸騎知君興未闌

徐健菴總憲席上作

皖上分攜又十年餘年還得聚樽前也知兄弟時多忌

且喜文章主獨麟馬上挾書聊寓目
席間假寐是安眠
看君早暮辛勤甚鬢髯無多總皓然

江村小構未安居晚歲營家計益疎
豈有暮齡勤遠道
荷頌清俸理征車交情能得幾知己
心血難捐舊著書
輦下卽今寥落甚於君獨仗意何如
海內高賢盡在門先朝人剩老夫存
怪予多難身偏健
嗟爾憂譏道益尊家法自來崇舊德
世交今已及曾孫
同時屬望知多少瑣瑣予懷敢盡言

徐道積南還小詩述懷併柬令伯果亭

尚館淹留榻再移衰年相仗起居宜
耽眠早勅司茶候

防蹶爲調善馬騎已識量怪稀勸酒更憐才盡不追詩
東還安石應垂問莫道狂奴異昔時

贈徐宮允勝力

中允詞壇久燕臺客舊鄒揮毫看敏給應物足精神宦
達才逾老身勤髮早新別來十六載今剩幾同人

史才誰不讓經學況兼通過目書成誦銜孟論更雄交
惟敦素好階已上青宮舊物無多在推稱及老翁

題王子靜小影

與子靜別時君年纔二十予到
中州寄以長句云云頃再過燕

臺出示此圖予別後五年作也視予別時
已較蒼蒼但輪煩眉目之間宛然可認況今
又復十年其蒼有加則予老益可知矣回憶
青箱掌上予以方外老狂從文貞公踞榻縱

談諧謔問作公大忻然舉政諸見弟傾耳聽
笑讀前日事也西州再過能無憾感因君題
題用以
寄悅

表裏溫其玉不如整襟端坐過庭餘蕭然一榻無他嗜
祇有青箱舊讀書

官職勞勞早繫身尋山還念采芝人看君自是神仙侶
生長長安不染塵

通家來往舊無期輪孤開樽苦要詩今日爲君題小影
滿毫無復昔淋漓

已見元昆握化權更看少弟入班聯謝公家食分行坐
回憶堂餐十五年

宛平相公召集怡園述懷

名園屈曲幾年成，綠樹陰濃滿院清。
客到早迷門內徑，僮前爲導洞中行。
巧堆頑石峰偏秀，計轉寒泉澗有聲。
半醉不知新月上，高談爭讓老狂生。

狂生夙昔平津客，八十衰齡今又來。
野性受知捐禮法，先公忘分與追陪。
每因卽席常懷舊，猶愛聽歌數舉盃。
往日有詩吟似夢，怪君家世特憐才。

才華晚歲已全休，漫憶當年足唱酬。
開閣動邀名士集，爲園喜及老親遊。
青山未許存黃綺，皂帽於今幾白頭。
剩有半生書卷在，故人何計令長留。

宛平公索題小影

相公下直人事稀，踞石危坐林間扉。窈然塵外發清機，
對之和易神有威。髭髯正黑蒼者微，其人雖瘦天下肥。
往昔汾湖亂相依，公年十七誓而頤。頤盼奕奕騰光輝，
俄頃星散南北飛。分殊勢絕霄壤違，皂帽騎驢走帝畿。
先公不忘舊布衣，出詩見憶相歔歔。坐談往事子姓圍，
惟時耄老乞身歸。公每退食侍庭闈，縱我狂論無刺譏。
今者重來事又非，登堂有淚制不揮。庭階樹色益芳菲，
蒼苔碧草思春暉。留侯學道爭先幾，赤松同遊吾敢希。
江村老翁何所祈，解推豈救寒與飢。海內清晏無人噫。

餘年長坐釣魚磯

倪雲林木石圖

志數
索題

片石枯株點染疎青山一帶似吾廬北窗正好炎天臥
枕上看山不讀書

真定相公招飲奉酬

謝傳蒼生望不虛宣麻恰趁客來初天心祇覺遲回久
相業偏宜厭試餘曾荷朝班傳俚句也從賓閣雜華裾
衰年未改狂奴態唱和當場恐弗如

白頭懷刺久逡巡忽漫招尋笑語親捕架應添新典籍
留賓還是舊平津科名屈指存元老鬚髮同時幾故人

早奏治安無別望清江一曲穩漁綸

喜徐立齋復任御史大夫

賜環頓復舊簪裾中外譴騰命下初殿上班齊爭檢點
車前騶衆早交除雙藤仍倚蕭條戶萬卷難拖筆削書
到日再瞻臺內柏五年霜後更何如

嚴冷那能與世宜風裁畢竟帝深知共驚天意殊難
料若論輿情已覺遲騶卒早來呵道起吏人如舊上班
隨都堂豈是君家宅兄弟輪居事亦奇

架上圖書歷五車半年留寓鄴侯家窗昏輟卷纔邀飲
午倦偷閒一灌花史學日深經術貫宦情已倦聖恩加

勲名外有無窮事好及顛毛尚未華
野老焉知仕宦榮朝廷舉錯也開情權能操縱吾先覺
思出尋常衆始驚執法漫勞增意氣振綱原不事紛更
臺端獨坐官邪儆我亦餘年樂太平

留別王廉一僉憲

春明聚首服官初建節南來訊字疎時有治聲傳估舶
早聞銜恤返廬居叩門每值趨庭候倒屣多從視膳餘
特勅奚童專報客防教屐齒往來虛

厭向天街避馬駝大夫門靜屢經過塞簾自識逢迎少
話昔偏教感慨多塔下新添皆俊物樽前舊作會高歌

服除叱馭江南路遙指青山問薜蘿

大行徐章仲自雲南使回

輜軒廣遍日南奇萬里經年報命遲絕壁丹青爭入画
殊方花鳥悉登詩賊臣竊據繁華盡戎馬留屯士女悲
見說采風詢故老先朝遺事幾人知

集家越江太史寓感念葆勳舍人卽席有作

哭越子姓東南黎至親乃是十房孫茸城舍人按宗派
再拜與我稱弟兄茸城諸錢才輩起君於舍人爲兄子
周循推分及老夫居然與君大阮齒感君古道不敢辭
天街來往無常期昨夜召客飲我酒不見舍人心傷悲

舍人有僮名銀管燈前呼出面髯滿筌雅堂中夜宴遲
錦屏風後歌聲緩曾過城西問舊廬叩門草滿無人除
舍人後事吾不問惟問諸兒曾讀書

將出都過張宗伯夢敦話別

禁城西出是君家客到門常聽暮鴉上直祇疑天欲曙
退朝多在日初斜應酬禮廢交難謝供奉思煩髻有華
稍喜庭階蘭數本偷閒秉燭夜看花

園林新闢倚巖阿自入春明客少過宿薛經時開戶掃
新篁計日出牆多每談宜興知衰甚其奈君恩獨眷何
我老江村高臥穩猶能相待訪漁蓑

過健菴碧山堂作

城西深巷碧山堂，風物蕭疎憶故鄉。
點綴砌花增怪石，支排老樹暗回廊。
人因謝事顏重少，天爲投閒候早涼。
鎮日把書通過目，問君爭似應酬忙。

尚書未老髭毛勁，暫可園林息此身。
設榻每留高臥客，有房都住著書人。
聽更已幸趨朝少，計日猶愁上直頻。
公四月入南書房料是并時宜室召花溪漫憶理魚綸

都門喜晤劉豫東御史

江國琴聲接近鄰，樽前賓客老偏親。
雲霄遠上追隨阻，車笠難逢問訊頻。
露白至今花縣湛，霜清爭見柏臺新。

平生著作勞垂憶昨夜纔聞話故人

先一夕御史與
坐客談及拙作

送龔舍五太史南還

南海飄然一鴈新
通家此日倍情親
官因分謫同時罷
興在論文獨任貧
旅食艱難留老友
歸裝蕭索助門人
憐君驛路秋天遠
剩有清風爲酒塵

題高詹事江村草堂圖

江天煙樹有無間
茅屋參差白晝閒
只合回圖時展玩
鑑湖那許乞身還

老去經營一釣磯
羨他松竹鎖柴扉
漫嗟永叔空思願
但是能思世亦稀

題菜香圖

大官珍饌日分嘗
舌本偏知菜甲香
荷鏤提筐緣底事
親栽親摘味尤長

題徐藝初清夏讀書圖

長夏軒窗面面開
撫髯吟就興初來
竹間三徑尋常地
酒伴招尋日幾回
捲幔蕭然一物無
階前閒煞雨奚奴
爐煙不起松風細
似是烹茶待老夫

朱竹垞六十初度

先朝英妙選難攀
洛社今時共一班
把臂參差咸籍裏

論交先後紀羣閒功名祇等逢塲戲著述偏乘解任閒
角甲舊居吾認得扁舟澤畔待君還

題竹垞雪中驢背圖

凌兢策蹇向山隈
席帽紅衫雪裏來
望去林巒通一白
畫圖不用更尋梅

留別汪武曹

一窗聯客榻半載滯孤蹤
酒令天炎減燈花夜雨穠
新閒頻踴躍大醉益謙恭
屬草難成寐常聽鄰寺鐘
書帷名士聚賓閣主人賢
每夜聯盃酌經時課卷篇
砌花驚屢換庭月見頻圓
一笑忘形處相思大可憐

甘蔗詩

魏憲公以季夏種蕉階前未一月拔葉扶疎居然成庭遺孫層層每鐫霜露一

商公每晚手摘數瓣分予
嘗之作甘蔗詩索和四首

長夏風清暑未消南窗初見種芭蕉那知一月干霄上
玉露從天不待邀

儘着西風曉夜催偏能結實在霜臺
餐飫遍天廚味
退食還承露一盃

秋聲夜向客窗聞玉液初沾齒頰芬
道是天漿能益壽
朝朝親摘與平分

連瑞梧梢向曉傾金盤掌上漫勞擎
老夫未有相如渴
聊解宴陽昨夜醒

臨發聞家仲扶至不得晤書懷

燕臺別去鴈行疎
鄂渚纔通漢口書
捧檄苦羈千里外
登朝已後一年餘
是年考選後至失期
爲期大被常虛榻
見說衡崖甫下車
我已趨程爭逐伴
春明回首漫躊躇

出彰義門

春明門上漲天塵
亞相塵中送故人
揖罷登車猶佇立
近前珍重語頻頻

衰年逐伴別燕臺
豈有長亭酒一盃
門下受恩人二揖

翩翩二阮出城來

謂二方子

九日宿利國驛爲張仲子衡臣初度

令節征途去不休隔河且喜近徐州桑弧在道親闕念
黃酒爲觴客舍謀古驛飯香南國稻霜天衣冷故鄉秋
老夫合向今宵醉花甲先君已一週衛臣與子先後壬子
謝庭子弟總翩翩見汝還思湯餅年爲喜向南霜亦煖
恰逢初度月新弦燈來敢擇行廚飯車動誰容戀枕眠
叢菊有花楓有葉同時寂寞路塵邊

贈劉伯頤

劉生年甫壯豪氣應難除屢換長途馬惟乘半日車耽
眠噴風駕大嚼得河魚腹竒經書滿高談下店初

贈黃生

我客風塵久於今
羨爾能物情隨地
習世法逐年增減
飯朝資藥遲眠夜
熄燈百凡勞耐得
最苦是晨興

酬張炳公

鄉里情從客路親
衣裘染盡軟紅塵
同時結伴憐予老
長是前驅作主人

路旁石

一峰特秀當官道
過客誰爲賞鑒人
底事不同松竹伴
終年雜在馬牛塵

贈楊中美道臺

使君駐節古鍾離
極目雲山馬去遲
霧淨正當初日上

霜嚴多賴煖風吹，鬱蔥氣仗新朝護。清白聲從漢代賈，
我逐征塵淮口過。無由挽轡寄相思。

送別楊中丞自皖移節之楚

杖鉞江城江正清，又移旌節向南荆。吏民戀切驚遷轉，
吳楚情分見送迎。天柱碑懸空淚點，武昌櫓發有歌聲。
北風不省人攀臥，直趁雲帆上水行。

餘年初謁戟門塵，軍吏驚看皂帽新。久識虛懷勤國士，
何期破格禮遺民。縱談今昔都無諱，贈別文章祇任真。
此去南樓風月好，應知常念老詩人。

贈別李岷瞻

聚首瀕江市維舟欲雪天淹留剛一月悵望又三年肯
作歸山計難求買藥錢龍眠虛有約何處訪神仙

蹤跡何時定聞君新有廬尋師應就近得地且安居
多病身曾健燒丹術恐疎湖南舟楫便難逐武陵漁

郭清有廬

君方趨皖幕吾正上燕臺遠道傳相念家書勸早回屢
承當事問詎有可憐才老友虛推獎旌門爲我開
中丞誠好士忘分禮狂生刺字牙門怪談諧客座驚祇
成官長美寧爲老夫榮古道今行少於中見爾情

贈陶廣文誕先

江邑多豪傑逢君興已闌潛身防薄俗屈首就儒官好

客腸仍熱開尊氣不寒故鄉時載光未覺酒錢難

將入吳寄姜奉世昆仲

倦遊頭白日今爲汗青趨每作吳門客偏親山左孤
論交前代事尚志古人徒卽有校讎役能邀一助無

寄俞犀月

俞生逃世客亦是俠腸人壇坫爭推長風懷豈似貧酒
逢高會勇詩好老夫真早晚花谿上余到吳卽寓花谿休辭來
往頻

酬徐松之以百城煙水集見示

汲汲松陵叟吟壇興正長飢寒餘腹笥辛苦老名場勝

地搜難盡佳篇見不忘
茫茫煙水願頭白爲誰忙

田間詩集卷第二十七

田間詩集卷第二十八

客隱集

己巳至庚午

夏五月夜泊聚寶門

欲投南郭宿稍趁晚風涼入港催收棹
穿橋早仆檣樹陰聯岸合燈影挂波長
不見長干埵臨簪祇自傷六年不到此風物益凋殘
隘纜添漁網侵河置鴨關稅嚴舟楫少壯賤客商難老友復誰在
宵獨坐歎

潤州酬王太守小菴

京口潮平去錫催荷君念舊重遲回
公尋萬竹留賓住不放孤篷日暮開
白首論交先世久蒞堂忘分吏人情

停車滿院清風起知是玄暉帶得來

會食分班坐儼然

文貞公家食班坐全皆與焉

青箱再到感懷偏歷

官君已二千石作客余以十六年筋力未衰憐老友神
情宛在憶先賢可知家世承清白合飲江心第一泉

過梁谿贈嵇爾遐

院上相逢病起新尊前片語覺情親交遊熱處疑君
文字夸時怪我真幕府爭從官罷時研田翻救宦餘貧
平生知己恩難負每訴滇雲泣故人

梁谿耆舊早相推頭白狂生冒暑來幽僻迂從鄰叟問
門閒閑爲野人開僮奴解事邀新浴老友聞招喜見陪

已命移舟東郭外禁城留鑰莫致催

吳門贈洪龍洲中丞初度

牙門上謁及嘉辰千里歡騰慶祝頻
村塢炊煙今漸滿閭閻俗尚半還淳
山頭霧淨清風埽陌上青回夜雨新
自是政平多暇日時開賓閣禮遺民
東南開府鎮吳關天下儲需仰此方
國課報成原有額朝廷錫卹本非常
民情最慶能無事吏道雖紛但舉綱
側耳農歌聲徧野躋堂聊借爲稱觴

送梁藥亭庶常假回嶺南

木天新貴舊狂生乞假南還冒暑行
客路漫愁梅嶺熱

歸帆應俟曲江清爲尋老友潛投刺怕見時流罕入城
屈指回朝春未暮故人書籍已初成

夏六月蔡九霞招同張夏重梁藥亭候藥亭不

至有作

易代忠襄第雙扉處士廬招尋惟老友可論有幾書客
到炎蒸候門開灑埽初論交悲漢末序圖盡周餘遠寓
欣鄰近高朋闕舫居夏重舉家接於舟解衣解繫繫艇上階

除也識應酬苦猶憐禮法疎梁生遲未到酷暑日正驅車

山左蔡生索題小影

紅樹參差江上村新添沙觜長潮浪漁人爭把漁竿出

空掩沙邊草屋門

簪帽荷衣蹠石邊怪他穉子捧青編橫琴不奏松風好
借我山根作枕眠

吳江晚歸寓齋口號

吳江逢急雨昏黑獨行舟牧馬歸都盡踴車聲已休
懸猜增火樹黑認城樓好趁盤門進婁門豈尚留

寓花谿數過韓元少學士談讌是夕方虎至喜甚率爾成詩

古人稱勇退所重盛壯年聲名正赫奕而乃耽林泉我
觀韓學士抗志豈不然得假不肯出苦辭病未痊所居

瀕婁水門繫往來船家貧雅好客我至輒登筵往往序
齒坐媿居衆客先君無多軒楹疎豁堂西偏架上何所
有熟讀書數編庭前何所有錦莧色初鮮又復何所有
爲山石一卷自矜尊有酒勿問囊無錢客至量必佳觥
籌次第傳到我氣先奪寬政爲少錫所以聞君召欲赴
屢遷延今夕徐子至巾車一何邁徐子我別久相見白
滿顛分手踰一紀歲月良可憐我老不足道子貌大非
前有詞不盡吐似以車未懸出處各有故豈盡處者賢
韓子上屢問林臥那得堅我亦望子出但出勿留連老
夫幸不死猶能待子還再飲韓子酒再值清秋天許我

醉紅裙此約勿更愆

花谿秋雨卽事寄道積

平生耽筆研終歲事討覓卷帙忽已積散去誰爲留東
海兄與弟自昔好聞幽大聲呼同入谷力爲我謀同人
亦踴躍致書南諸侯所以垂八十抱書來吳遊諸侯頗
好士而我拙干求兩月寓花谿一刺不妄投閉門加茭
定未敢倦卽休宵燈暈老眼與兒同校讎頭白不足惜
汗青非自由常恐旣始事厥功無以收起坐爲不寧行
吟草徑周節候近重九雨雜風颼颼農人聽雨喜羈人
聽雨愁昨暮御纖絺今晨求敝裘僮僕語深夜所急衾

與爾還念西田莊未必視此優況有桂花開香氣滿林
浮吾生一何有所仗惟朋儕晚交徐叔子心許代我等
雖未卽周急且以寬我憂窮之寧足計吾事在千秋

虎丘中秋前三日同汪異三唐鑄萬姜奉世作
勝友先期集祠前候日斜月惟知昔好山轉覺今華貴
及停鑾殿紅燈賣餅家眼昏遊女過借問可如花

答異三問五十年前事

伊昔先朝盛良宵兩度過石寬人占早月上客來多箇
響通場定山空一鼓歌分班輪喝采誰問夜如何

輓王厚章

早歲去鄉里，栖栖老帝京。賣文初遇主，道暮始成名。
世一朝盡，門閭幾日榮。春明分手日，于汝最傷情。

輓曾青藜

出都聞始至，相見已支離。遠道嗟余老，衰容爲爾危。
未能資藥餌，深悔失扶持。有託言皆致，當歸勸已遲。
計于游粵失，計到入吳知。祇憶窮途困，寧堪易簪悲。
形骸累老友，囊篋剩遺詩。病婦無聲泣，孤兒失父癡。
交惟營寄廡，客或助朝炊。音問寧都斷，飢寒更仗誰。

花谿寄師魯

秋到花谿冷，相期伴我居。樹喧常過鼠，溪澗自生魚。
往

返頻移疾淹留苦校書都門家訊至應問客何如

題張穆之爲汪周士畫相馬圖歌

古來高十首好馬杜陵有句工摸寫城隅晚涼看洗時
至今想見清風灑支公故是學道人偏愛神駿超凡塵
後代惟傳畫中馬世上那得真騏驎東莞張生擅絕技
尋常落筆皆匠意爲君畫作裘塵圖聊寓嘶風萬里志
謝氏寫真亦有師爲曾波臣弟子鬚眉顧盼奕神姿注目草坡
看作勢坐待翻騰乍起時汪君一生山水福詩酒弟兄
事事足海內名宿徧知交每逢顓頊情尤篤知君好馬
如好賢不向天衢向草間草間自好龍爲友一上天衢

只等閒

注晉賢小影索題

神清秋水玉爲姿，搖袂拈毫屬有思。
卷軸不開琴不弄，閒階正好苦吟詩。

潘岳蒼廣文三十初度爲賦思河墅篇寄蜀藻
河墅近接西龍眠，有翁擁剝鬚皓然。
書籤酒琰不離手，況是西風紅葉天。
晚來少子心篤愛，晨夕賴以安林泉。
胡爲早歲服官職，繫身吳下廣文廛。
吳下廣文居無屋，舉家飢待龍眠穀。
上官手版謁無時，博士瘦羊苦不足。
念翁與我誼氣淡，常時埽榻留我宿。
盤中往往故鄉味，

猶出山廚翁自昔九月晦日初度辰含悽遠憶河壑親
詩成棄付門人寫歲儉肩爲諸孫顰此日酒門延賀客
此時置酒約比鄰屈指他鄉親戚聚遙知上坐老詞人
客潤州月華山道院登萬歲樓

月華嶺畔有丹丘與客凭闌萬歲樓北固山川朝暮見
南徐風物古今愁潮來海色連青野浪起江心指白頭
向晚茫茫何所見依稀一壠是揚州

曉泊梁谿謁徐明府孝思

曙色初開古驛前梁谿霜壓萬家煙郵亭未覺居民擾
翠輿親知大令賢乘月甫消京口酒侵寒早問錫山泉

扁舟來去臥塵寰那得聞琴不繫船

土人菴長君吉初索贈

文貞名德澤無窮又見諸雛五色同雅致總無華胄習
奇姿多出世家中每逢故舊情偏戀爲乞篇章速豈工
十七年前今太守也曾催索老詩翁

同孫亦厓夜集家宮聲宅

同人雅集禮堪刪老友追隨自一班得伴不辭開量飲
論文須趁罷官閒名成大半無生計病起經時有道顏
怪我八旬差健在可知老健賴癡頑

酬陶紫司見過

都門分手去心急爲寧親何意栖吳苑居然見棘人談
漢知有道對久覺傷神步履無他往偏尋老逸民

韓慕廬席上酬狄立人孝廉

學士喜開尊老狂占坐頻大都仙作客又見玉爲人席
上詩書氣燈前冰雪神衰年無飲長不覺醉膠醪

虎丘弔蔡忠襄公祠

死節先朝盛疆場死更殊臨危還掣肘解任且捐軀國
事爭知去匠心本自孤往來祠廟近一過一長吁

同諸寓公守歲宋聲求宅上歸途口號

半年留滯客除夜故人家方味隨時備賓筵取次卽呈

怪家想酒身倦且宜茶勒馬臨階上頻驚火樹花

吳門燈夕卽事

庚午

閒門燈不見歸路與逢迎巷咽邀紅粉街長過綠棚漫
空妨月到列桂礙車行更說南巡日遮天錦一城

庚午初春姜奉世適同汪吳二唐鑄萬往西山

看梅夜宿光福

昨日山有信遠近花且徧良約亦已久茲晨欣始踐如

何三四人臨行一已倦

詩萬興
倦不行

小艇發胥門逶迤繞芳

甸路指鄧尉村處處花如霰老樹臨溪流亦或出深院
我從塵中來疎枝已罕見村人見者多謂此不足羨幽

芳本寂寞反爲俗所賤明晨入山中得毋眼苦眩

出光福遇雨憩道傍蘭若雨止上馬駕山飯香

岳菴晚登槎山小飲抵暮始回

侵晨雲不開相期其緩步我老命籃輿出街已微雨道
傍有精廬遊人早趨赴林際相招呼回車候雨住小憩
賈勇行肯惜露衣屨遂上馬駕山茫茫一騁顧大地徧
芳菲不見所來路平如朝嵐鋪皓若夜雪曙老夫眼迷
離花海洵非壑此地舊稱花海下山飯僧廚談詩催我去槎山
去非遙片石聊可踞漫漫白無邊不知目所寓况復巖
壑殊高下同一素暢哉呼酒飲苦乏斟酌具花下有人

居假借助衣冠北杯欲成吟氣奪不能句與人頗解事
促歸日云暮

次日由虎山橋泛舟出銅坑沿湖看花望鷺魚
欄至戛斗柄維舟小飲夜歸遇蔡九霞同至

光福

山行觀已止容興猶未足今爲湖濱遊更圖飽所欲步
出虎山橋呼舟泛空淥銅坑甫出湖舟過香先馥同遊
怪舟遲紛紛起從陸而我獨不行蕩漾沿湖曲望見村
際花不見村中屋高下同竊紛遠近無斷續人行亦有
路總被花枝覆所以岸上人不獲舟與逐是日天氣佳

照耀湖光綠未把一杯酒且縱萬頃目停舟熨斗柄追
尋來以促盛誇驚魚磻指我遙相矚更撥石壁行日落
一何速明當補茲遊未敢辭僕僕回舟遇中郎相攜蕭
寺宿

次日遊玄墓迂道石壁午後過長圻嶺到聖恩
寺

早發石壁興暮回湖上舟今晨向玄墓迂道爲此遊石
壁踞峰頂屹峙太湖陬天生一片石削成牆四週壯哉
具區波當門乃盡收亦有花滿山意不與花謀下山復
嶺嶺路阻且修嶺上見梵宇丹堊空中浮其下花爲

田寺在花上頭山門古松樹蒼蒼自爲儒殿上治遊文
殿側老比丘遊女入花去爛熳花爲愁誰知紅粉姿奪
此清芬幽僧室茗碗陳客意酒甌求惜哉僧病酒對酒
不能醺鴉啼人去盡誰能獨久留

酬吳三

吳會論交地汪生亦罕儔不教時輩識惟其野人遊新
句篇篇穩春山處處搜往還爲設榻隨意卽淹留

酬范秋濤太史

齊門來往僻喜近素心居巷指先賢宅

謂長白先生

家藏歷

代書冷知交道重靜與世情疎置酒邀賓外常時祇閉

廬

春遊雜詩

二月望後注異三招同
姜奉世爲西山之遊

勝地昔淫祀嬉遊競此晨生涯停估販風俗壞人民一

自妖神撤

湯中丞毀祠
棄土偶湖中

空存野寺春數聲啼鳥寂回首

憶中丞

上方寺是日
異三有事山下

穿橋趨水濱轉棹隔橫塘港涸舟難讓村稀市益忙雨

聲遮酒店人語閉漁航到岸靈巖近鳴鐘在上方

兩宿
木積

別山逾一紀步履較前難說法僧初去施錢客已闌古

泉仍汎濫高桂半凋殘爲取天平徑琴臺對面看

靈巖
寺從

山後取路入

平山至寺側

路自靈巖下同行伴莫分春深啼鳥急節至採茶勤遊

女去來讓臂鐘遠近聞天平關上雨不到范家墳

過天
平嶺

嶺有
石驢

支硎開勝境言自趙凡夫爲舍僧徒住常教士女趨故

山唯有墓幽徑已成衙千載稱高士誰云身世孤

支硎
山趙

墓

今室栖山日先朝全盛年僧藏居士影帖記買山錢謾

設池邊樹涓涓石上泉往來閱游女藉草縱高眠

忽有松間路停車杖可擎徑隨流水曲籬讓古橋斜欄

慢風前蝶腰曉霧裏花庭梅陰滿院客到已全遮

法螺
巷

華山饒法護吳下此招提樓曠僧新置殿虛佛別栖

舊聞

春僧人望幸

虛帟殿以待古碑深陷壁

殿四壁皆陷字碑亦新置也

怪石漫鐫題

山下多奇石皆此物題名其上夾道松千樹清風客滿攜

華山

茲山名自古積石浩縱橫文室容單住同遊挽袂行喜

無紅粉到還見白頭驚欲問先賢墓無人識姓名

天平山

郡志載錢公藻墓述不可見

自慶八旬叟能從二妙遊扶持危下嶺屈曲罷探幽臥

榻更相誡籃輿不自謀慙余詩思澀無以謝林丘

迂客俠君昆仲邀同周子潔朱望子諸君依

國雅集

名園高會歷年開曾失佳期此特來

甲子夏五月見邀未赴

序齒

俱爲前代各論文欣把故人杯肩隨周仲移時認坐僭

朱游半日猜兩姓弟兄存二子

周子佩朱雲子皆老友

餘生留得

共追陪

得宋旣庭廣文去年所寄書

江上分帆別

丁卯秋別于江陰

吳門訊杳然那期經歲字翻自

故山傳經學存愚見文章進老年解人那可得還是舊

名賢

客吳門聞冀千谷歿于白下愴今憶昔率爾述

展不自知其言之長也

於惟端毅公風流海內被吾兄名父子家聲罔或墜合
門仗一身如何中道棄曾未二十年遂哭君兩世憶昔
壬子冬落邠走燕市宗伯交未深望門投以刺其夜徐
方虎持我詩出眎宗伯乍覽之欣賞發長喟安得斯人
來斯文足鼓吹有言適在都公門必已至急索門籍觀
居然見名氏門吏受人指沮令勿登記詰旦命吾兄冒
寒叩蕭寺邀我就榻前深談慰渴思爾公詩四章循環
手不置持人示諸姬謂悉平生志須與沮者來相見大
驚愧我故與訴諧頗寓溫嶠智留我東閣居不問記事
事佳篇荷下詢直言了無避傾耳爲沉吟良久嘆曰是

虛懷如有失，迺謂吾姑侯。以此日聚首，唱和無一字。把
我一卷詩，疾病無時離。臨歿竟以殉，僅暨習所嗜。公病
久不出外廷，微有議便思。請告歸，苦爲臣妾累。暇日與
談經，爲晰係遜義。公志本勇決，毅然辭高位。疏上病益
危，乃遭宵人詈。以此爲誤公圖，祿公子嬖。惟兄達大體，
繼兄兄轉惠。穀陽豎者流，安足當一許。公起聞許歸，曠
懷今始遂。漸欲遠佞人，默諫左右侍。行樂未及旬，遽然
跌坐逝。恩禮全始終，舉朝爭歎異。可憐上卿家，身後一
無備。匹馬偏通都，逢人爲涕泗。喪祭隨具舉，盡出交親
伙。舊吏與門生，一一親含殮。兄子方南還，誰與其勞瘁。

此事何足言而兄心則識兄初職司空上知饒心計特
假楚疆節南北驛兼治鄂洛貽我書掃榻日夕遲知我
好諍言芻蕘庶有裨我性本疎狂所至動遭基門內同
一家不知謗所自我耳若不聞兄聞大駭異謂此先子
友非與賓客類彼固無所需有需敢告懼我聞兄斯語
已勝解性惠久思湖南遊壯遊良不易同舟過洞庭岳
麓再晤解有詩三十首壹皆兄所賜甫返武昌舟早策
都門騎聞兄遭讒誣未審誰者崇問訊不逢人但知廣
羅織方切友生憂詎信武昌潰軍書晝夜馳官賊同兒
戲傷哉譏讓餘復罹此顛踵幸無瞋守羈奉毋脫危地

舉家踴躍奔皇問，篋與筥以是身。蕭然空舟如客舟，
薄糗陽過吾兒侯。江浹念我家，特食曾不少。供餽其秋
我，退里何當執手慰。疊疊尺素書，遠自潯陽致。上言斷
水祠磨碑待君誌，端殺名蹟多蒐羅。恐賤費我惟紀，所
知似得昔人意。曾有汗青役入吳，自編文成搖吳門。
郵絕何從示已聞，楚案清金陵。駕且稅吾事行，且畢旦
夕可把臂。詎期凶問傳，令我驚以悸。人生天地間，去來
必有爲。如何英與華，乍吐旋已闕。觀子政事才，豈非今
能吏。精神靡不周，盤錯見利器。門豈無雜賓，所親必正
士。昔賢好客風，至今儼未替。世不見宗伯，見君庶其似。

所以江漢間益深往哲企繼述本孝思人徒仰俠氣仕宦曾幾時困頓旋以斃已志既未伸後必昌而熾兒孫接踵起況有弟也稱我雖八十翁及見箕裘嗣撫棺欲一勸金斗遠莫跋古人戒越疆洵由筋力敝遙遙述此懷俯仰無窮淚

棟亭詩織造曹子清索題

丹山有文鳥其鳴于高岡梧桐得所栖棟實以爲楹棟實味良苦不充腥穢腸食之志高潔超然于仞翔昔賢典袞職黼黻昭天章杼柚盡樂業筐篚動輸將愛茲嘉樹名堅苦適其常手植庭階前聊以表清芳德澤被南

服仁風至今揚哲嗣紹厥美文藻何煌煌重脩先公任
感物情內傷昔爲數寸萌今已參天長報實咀且泣有
同九臆嘗益凜牀前誨素絲節勿忘乃知五色雜其種
必鳳皇斯人本國瑞斯樹亦家祥枝條森官閣蔽芾福
江鄉所以都人士賦頌相賡颺孝思旣以著先德亦以
彰豈如南國詩徒美召公棠

送家禹銘入都

齊女門邊舟乍開春風逐伴上燕臺家聲共是錢王裔
世路爭需幕府才合室長饑惟客恃亡親未葬待遊回
同時好士人都去欲爲游揚書漫裁

荷花蕩謠集酬徐大臨張日亨金昭廷三子

六月荷花蕩吳中此勝遊
籃輿遲野叟書舫集詞流
酒興同人勇名心一老休
漫矜文字飲承管沸鄰舟

月夜過太湖

湖水秋平浪不興
茫茫昏黑一帆凌
舟前忽訝峰堪岸
柁後旋驚月早升
近市無喧收客店
以村有港宿漁燈
遙憐書局人初靜
此際銜杯客散曾

莫釐峰

洞庭東峙莫釐峰
絕頂還來八十翁
嶺勢下窺青斷續
波光遠逗碧玲瓏
詩才欲盡情難已
眼力雖衰望未窮

自幸吳中山覽徧登臨多是謝公同

同遊為徐健庵

同姜奉世訪徐昭法上沙

文靖死國難今且踰四紀孝廉終身哀遜跡絕城市人
尋不可見只在此山裏旌麾屢到門堅欲門不啓東帛
雖炎炎徒令草莽委所需賣畫錢衣食道在此四方饒
購求輔相賴賢子玉樹一朝摧筆墨復何恃違時本不
祥嘉物況易毀勸君毋過傷爾我皆暮齒死者不可作
生者事未已聞有遺腹兒拭淚且歡喜

自我入吳門營營事梨棗奄忽一年餘今晨事始了恰
逢天氣佳急問入山道同行有姜子叩門前爲導手攜

魚尺長知是山中少烹魚佐青蔬脫粟同一飽山中豈
無人如子特枯槁勿復話疇昔徒令傷懷抱門外久不
窺門前委蔓草今茲送我出始見山色好此別不足惜
所惜人俱老努力加餐飯作意辭煩惱百年無幾時孱
軀且應保

花谿七夕同果亭作

一臥花谿兩度秋今年佳夕迴添愁
鍼傳樓上穿應巧
錦就天邊織未休
東觀校書移遠岫
綸扉去國阻扁舟
棣華兩地遙相望
我亦何情盼女牛

酬西蜀唐鐸萬

舊山西
長子令

早聞吏蹟繼先臣

君先公前令吳江

自罷鳴琴厠逸民鄉國無

家長作客生涯有硯不言貧賣文屢被看山誤索醉惟知訪舊頻癡絕損炊營廢圖一錢都付種花人

寄顧景范

東山書局宗羣儒念爾身衰道未孤討論最詳前代事精神多在職方圖情于死友徵終始家與貧交共有無近說成編遺客毀同人早爲別賢愚

武塘哭魏子存同晚泊梵受菴感憶偃公因寄

同塵禪師

師居隔城可見不得晤語

禪扉永絕同坡別來往維舟自鶴湖領衆已非前法席

尋僧無復舊門徒青氈共事人皆盡白社同叅道亦孤
遙指梵居欣在望未由親近漫招呼

重九日周介凡邀同從孫菽邕飲茵怡閣閣在

虎丘山夜

虎丘山後宴遊稀小院疎籬一徑微佛塔當窗聽鐸語
漁橋近岸挂簷歸潮聲受戒虛陪坐閣算登高盡啓扉
正好巨觥看角量催人歸棹雨霏霏

蔡九霞同袁士旦見訪因邀過九霞齋頭小飲
寓辭秋聲早披帷二仲來爲憐孤館客邀把論文杯緩
步高齋近深談小雨催蹢躅今始出猶可杖藜回

生輓醉死歌洪生丹霞索贈

吳下達人韓學士得人飲酒卽歡喜家貧無日不開尊
勸客不醉不肯止門下有客洪丹霞酒行觴政紛相委
丹霞司令令無頗于人常恕于己苛滿斟更請移燈照
餘瀝還教受罰多又好與人酣拇戰輸家得酒如卷波
自說夜深酒腸大已見燭下朱顏酡卽時醉死無不可
但要生前人輓我輓歌聽罷倒便眠劉郎有鋪何須荷
世上那肯埋醉人伯倫此願終相左不如中山買來千
日酒死去千日仍出土臨期攜酒上墳頭扶君起坐爲
君壽所苦十日之內墳未開學士獨坐空搔首

過陳山農言別不值

燕市過從日，今十九年。故人無不老，時事大非前。母
節幽須臾，方書序未傳。相過不相值，此別意茫然。

吳門諸子餞別王氏歸田園

名園疑在小山阿，萬客臨行始一過。林壑百年松桂古，
軒窗四面芰荷多。令嚴監席，央紅袖酒，勇分班卷白波。
醉後領巾爭乞句，枯腸其奈玉人何。

惠山泰氏園遇主人以新翁索詩

泰氏園林風物清，最憐繞院引泉行。平池淼淼來無際，
曲磴淙淙去有聲。遊女過橋思避客，主人窺竹早知名。

眼前詩料如何寫好待谿窗枕上成

梁谿秦留仙邀同嵇爾遐秦吉生嚴蓀友飲集
故人勝集晚秋天高樹當門纔客船一帶園廬連澤畔
同時耆舊聚尊前名壇讌會悲先代子癸未秦與諸子
集君家名皆宅上
仕路崎嶇怪早年圖史滿牀花滿徑何須更枕惠山泉
過蕪關以酒六瓶見阻報稅率成

新詩滿篋一帆回剩得吳間酒六酷豈意過關須上稅
好風偏教滯江隈

一生觴詠在江湖客路朋尊不用沽今夜月明空對酒
官封官物得嘗無

行年八十老煙波酒興還輸詩興多見說上關詩料免
官家關稅豈爲苛

爲愛吳中酒味醇淺斟留待把杯頻早知涓滴皆官物
悔不傾尊醉榜人

舟過蕪湖不放行因攜斗酒阻歸程多情轉怪韓元少
此是承君送酒情

勞在茲見過索詩爲其親壽

吳間西出一溪斜白板雙扉處士家合室生涯資筆墨
四時供給有煙霞春晴燈燦千門月雪霽梅開萬壑花
遙憶佳晨腸詠罷白頭扶杖憑孱孱